

2. ՍԱՊՈՆՆՁԻ.—Գիւղս կը գտնուի Շապոյէ 1 ¹/₂ ժամ արևելեան հիւսիս, 2 ժամ Չամչա լեռան զագաթէն ի հարաւ Գեղզեղքի արևմուտքն 20 տուն բնակիչ ունի և կայ փոքրիկ ձորակի մի աջ ափին վերայ:

Գիւղէս ի հիւսիս, ի Չամչա կը բարձրանայ մի խորանդունդ ձոր, որ երկու կողմն կարծր մոխրագոյն և բարձր ժայռեր պատած են, այս ժայռերու միջավայրն, ջրի երկու ափերն զիջի ասուած ծառներով և փոքրիկ անտառակներով պատած է, այս անտառակներու մէջ նոյնպէս փոքրիկ թեղի, ուռի, եղուրրզի, ևլն. ծառեր աճած են:

Այս ծառաստաններու և ձորակիս շատ մի այրերու մէջ ցմիշտ տեսնուած են արջեր, զորս քրդեր ցմիշտ կորսան:

Չորիս զլխէն ի հիւսիս, մերձ Մամաքար կոչուած քարալեռան կան երեք գերեզմաններ, որոց վերայ նաև տապանաքարեր, որք առաջ արևելք դարձած էին, այժմ քրդեր ի հարաւ դարձուցած են և անուանած Շէհիտներ (նահատակ):

Այս տեղէն անց ու դարձ անող քուրդն պարտաւորեալ է չոքիլ, քանի աղօթք մըմնջել, ապա մեկնիլ:

Քարերը յիշատակարան չունին, ոմանք կը հաստատեն թէ տապանաքարերու զրուած երեսն ի զետին դարձուցած են քրդեր:

3. ՎԵՐԵԹԻ.—Շապոյի հարաւն, Ամստէն 1 ¹/₂ ժամ արևելեան հիւսիս, 1 ժամ յարևմուտս Գոմքայ, ունի, 17 տուն բնակիչ:

Վերեթէք անունով մի այլ զիւղ ևս կայ աւերակ: «Վեր» հայերէն վերն կը նշանակէ, «թէք» թուր-